

Beantwoording schriftelijke vragen artikel 44 Reglement van Orde

Kenmerk van de vraag : 17-19
Datum indienen vraag : 29 juni 2017
Naam vraagsteller : mw. M. Dotinga-van der Veen (FNP)
Portefeuillehouder : dhr. J. Spoelstra
Ambtenaar : dhr. T.A. Rijpkema / dhr. E. de Boer
Datum akkoord college : 26 juli 2017

Underwerp

Ynvalideparkearplakken stasjon Bûtenpost

Op 29 juny 2017 had de fraksje FNP skriftlike fragen steld oer ynvalideparkearplakken stasjon Bûtenpost. Hjirûnder fine jo de fragen en de reaksje dêrop fan it kolleezje:

Ynlieding

Yn novimber 2014 hat de rie besletten om yn te stimmen mei it riedsútstel werynrjochting fan it iepenbier gebiet rûnom it stasjon yn Bûtenpost en te kiezen foar in fierdere útwurking fan in spoarbrêge. Dizze spoarbrêge soe net tagongklik wurde foar rolstoelgebrûkers, minsken mei in rollator of jonge âlders mei in bernewein. Ik ha doe mei in stimferklearring ynstimt: "It is net te leauwen dat der anno 2014 in brêge komt dy't net tagongklik is foar rolstoel- en rollatorgebrûkers." Dêrop is tasein dat der mear parkearplakken foar ynvaliden komme sille dan no it gefal is. Op dit stuit is der minstens in wike al hielendal net in parkearplak foar ynvaliden! De brêge is in skoft lyn al realisearre mar noch hieltyd net de wol taseine parkearplakken foar ynvaliden.

Fragen

1. Wat is de reden dat de parkearplakken foar ynvaliden by it stasjon yn Bûtenpost noch net oanlein binne?
2. Is it kolleezje it mei ús iens dat per omgeande de parkearplakken oanlein wurde moatte

Reaksje kolleezje

It strjitwurk yn it stasjonsgebiet is krektlyn ôfrûne. Yn it plan binne op it middenplein 5 parkearplakken foar ynvaliden en 6 "Kiss en Ride" plakken lâns de râne meinommen. Dizze spesjale parkearplakken wurde mei boerden oantsjut. De boerden foar de 6 "Kiss en Ride" plakken binne al pleatst.

1. ProRail is op it stuit noch dwaande mei it opknappen fan de fytsestallings en brûkt dêrom tydlik de oanleine ynvalideparkearplakken. De wurksumheden sille ein wike 30 (24 oant en mei 30 july) klear wêze. Dan wurde de boerden by de ynvalideparkearplakken delsetten.
2. Ynvaliden meie de oantsjutte 'Kiss en Ride' plakken no al ûnbeheind brûke op grûn fan harren parkearfergunning. Dat hâldt yn dat der no feitlik al 6 plakken binne. As aansen ek de spesifike ynvalideparkearplakken as sadanich oantsjut binne, dan binne der yn totaal sels 11 plakken beskikber foar ynvaliden, wylst der op grûn fan de lanlike noarmen foar stasjon Bûtenpost mar 3 plakken fereaske binne.

Wy hoopje dat wy jo fragen sa beantwurde hawwe.

It kolleezje fan boargemaster en wethâlders fan Achtkarspelen,

siktaris, boargemaster,

mr. drs. E.H.C. van der Laan G. Gerbrandy